

蘆山縣志次卷

嚴道耕者竹全仁纂男竹文光手錄



邑侯 楊廷琚 劉時遠

鑒訂

紳衿竹

琦

陳啓泰

校閱

王文澤

竹恒齡

一 誥勅

明洪武十三年賜實授百戶竹銘王忠詔

皇帝詔曰昔

之治天下也必資威武以安黔

黎未嘗專修文而不演武朕特例古制設武職以
衛治功受斯任者必忠以立身仁以撫衆智以察

蘆山縣志下

微防姦禦侮機無暇時能此則榮及前人福延後
嗣而身永昌矣敬之勿怠

洪武十五年賜竹銘實封百戶鐵券

皇帝詔曰會際貞元類多節烈時當亨泰必樹翰屏
咨爾竹銘元汴梁留守竹真之孫成都龍泉衛右
衛指揮使竹斌之子派衍孤竹永續中子之傳嗣
續夜即不廢施州之祀世既篤於忠貞義應錫夫
茅土特實封百戶守禦蘆疆界之銅章予以鐵券
勿謂藐矣山城實為鎖鑰之寄茲且爰及苗裔毋

忘繼序之恩實朕之命與國同休欽哉
成化五年賜竹鳳誥

皇帝詔曰酌勲之典今古同揆咨爾守禦蘆山益井
所實封百戶竹鳳隨征有功遼績丕著特加行營
都督僉事榮祿大夫實封百戶如故尚其益勵忠
節毋褻寵褒欽哉

正德十年賜張斐勅命三道

皇帝勅曰咨爾廣西道監察御史張斐膺茲繡衣之
任無愧驄馬之風特勅授爾文林郎汝往欽哉毋

蘆山縣志下

二

替朕命

皇帝勅曰咨爾廣西道監察御史張斐命妻 氏克
相其夫而已早喪特勅授孀人爾其有知服斯榮

寵

皇帝勅曰咨爾廣西道監察御史張斐繼妻馮氏無
忝內助實顯刑于特勅授孀人既授寵章益勵節
操

萬曆三十九年賜竹密父母並妻勅命四道

皇帝勅曰自昔孝弟力耕之科與明經並重朕思得

若人以表彰之况其子用經學顯而鬱為循吏者
哉爾竹會陽乃湖廣寶慶府城步縣知縣竹密之
父恬澹性成塵氛習遠逃名鴻隱里慕式廬之風
積慶燕貽家承作梓之則績已襄而教闡祿不逮
而襁違是用贈爾為文林郎湖廣寶慶府城步縣
知縣表晦德於彤綸賁幽光於石節

皇帝勅曰令衆人之母也惟慈是怙而令亦有焉念
茲勤勞可無表揚之典以為民酌令者哉爾劉氏
乃湖廣寶慶府城步縣知縣竹密之母沼沚揚芬

蘆山縣志下

三

珩璜秉度佐隱聲諧於占鳳胤才教迪於和熊睽
茲製錦之成詒爾趨機之自導輿弗逮執噐可思
是用贈爾為孺人龍光賁錫於樹萱馬鬣增光乎
宿草

皇帝勅曰朕按邵陵當荆襄之末垂非得近民之吏
綏靜而煦咻之昌嘗有寧宇哉爾湖廣寶慶府城
步縣知縣竹密操持峻潔噐識宏深筮仕明廷居
官茂宰迺能四知飭己秉廉善以矢勤五事宜民
酌張弛而成務邑靡谿山之警人獲阡陌之安丕

鬯最聲達於聞聽是用授爾階文林郎錫之勅命
夫漢世之儒蘊則明經試則循吏其功業赫然何
所不可至也尚益篤初忱以厚自樹勉朕且有不
次之陟歟哉

皇帝勅曰婦人從宦於谿谷之間而能以莞鑰佐政
勞既至矣譽亦彰焉國是以有偕榮之典爾湖廣
寶慶府城步縣知縣竹密之妻鄭氏賦性柔嘉裊
躬端慎杼機佐下帷之業蘋藻揚中饋之芬迺服
縞以從官爰鳴琴而贊治愷悌之績爾實襄之是

蘆山縣志下

四

用封爾為孺人祇迓象服之休益効燕私之儆
萬曆四十四年賜竹密父母並妻誥命四道

皇帝制曰朕嘉人臣敬事之忠而曲體其顯親之志
於是崇其禰廟賁以綸章廣孝勸忠於是乎在爾
贈文林郎湖廣寶慶府城步縣知縣竹會陽乃原
任雲南廣西府維摩州知州密之父惇倫樂善扶
義好施孝友著於鄉評義方行為庭訓爾子服官
州牧蔚有能聲爾之明德遠矣是用加贈爾為奉
直大夫雲南廣西府維摩州知州龍章歆再荷之

榮馬鬣行無疆之慶

皇帝制曰孝子之於慈母也念其宿劬故執器則慕
列鼎則悲匪藉寵綸而風木之憾何能釋矣爾贈
孺人劉氏乃原任廣西府維摩州知州密之母稟
訓衿襦楊芳沼泚餐饋必恪雅追桓汲遺風簪珥
可捐不異柳九懿範爾子四履宣勞繇爾三遷啓
祚宜申國寵以表家祥茲用加贈爾為宜人揚顯
號於萱庭慰慈靈於蒿里

皇帝制曰州長吏號親民而顛南諸郡去神京萬餘

蘆山縣志下

五

里望澤難霑非得賢守牧誰與任宅生之寄苟有
善政簡在朕心爾原任雲南廣西府維摩州知州
竹密才優幹濟志勵清修貢籍蜚英花封展采爰
從民譽晉綰州符而爾蒲腔推誠惟崇愷悌之實
百凡振刷力求安集之方節比懸魚譽騰棲鳳萌
黎安堵夷落嚮風所司以最績上聞是用授爾階
奉直大夫錫之誥命夫便文之吏日偷悃幅之吏
歲計爾既歷試有效矣其式敷民德永肩一心以
稱朕子惠元元之意惟予嘉汝欽哉

皇帝制曰滇地屬在天末而婦人周旋以從宦蓋其
勞也矧內德之美有光於士業者哉爾原任雲南
廣西府維摩州知州竹密妻封孺人鄭氏女誠夙
閑壺儀允迪佐讀而篝燈有耿續饋而餐盥孔明
爰宣譽於中閨肆贊續於南服睠此鳴琴之化式
惟贈佩之音是用加封爾為宜人祇迓鸞書增修
燕傲

萬曆四十六年賜竹密有功覃恩進階詔一道

皇帝詔曰咨爾前授奉直大夫今湖廣布政司叅政

蘆山縣志下

六

道僉事暫假廣西六越駐鎮府行都司竹密值土
官無何普明藐抗王章動勞天討爾能潛謀擒勦
歸獻罪俘一紙勝十萬之師三捷慰九重之意使
南服有慶西顧無憂特錫獎詔進爾階朝列大夫
用酌爾勲欽哉

崇禎四年賜陳萬策父母並妻勅命四道

皇帝勅曰大夫⁺不論起家而能宣教誨又能使其子
克守一經服官以贊股肱郡為理者朕亦有賴焉
乃未沾顯命良用惻然爾原任蜀府教授致仕陳

訓乃雲南姚安軍民府通判萬策之父積學盛年
累冠多士風雲有待得桑林之好音時命不齊就
泮水而拔雋携贈言之僕酒登瑞采之鱗堂四地
名師知問字者聲重朞月設教見獎激者文盈乃
桃徑既成鯉庭獨切乞身教子意猶美於尊鑪家
塾官碑人皆感於風露良猷未竟盡在來茲是用
覃贈爾為雲南姚安軍民府通判承德郎綸綽映
於舊氈松楸永其新服

皇帝勅曰婦人事夫貞勤佐讀而復跋躄寒官卒勉

蘆山縣志下

七

其子於有成不得身享之者朕甚憫焉爾王氏乃
雲南姚安軍民府通判萬策之母毓秀名門推揚
女史少知却奁從其父以服官長而宜鳧勸其夫
以遠志事堂上以明發孝德可風教膝下以邁征
母儀斯美鹿門既遂長隱鶴野已奏高音茲用贈
爾為孺人遲就養之潘車永沾恩乎梁案

皇帝勅曰郡吏親民詎易違哉朕子黎元良慎重推
選即塗轍不一意每重經明行修之士以其鑑古
提躬中無濡染不至浚民以生也矧能以治聲著

者乎爾雲南姚安軍民府通判陳萬策高標峻宇
寔意清褻事上治民盡出早歲之經筭割庖代俎
尤見救時之藥囊旣媿聲于黃堂復宣勞于赤檄
新猷獨卷不煩長吏問權酷夙弊盡釐無使奸胥
成雀鼠披不疲之秦鏡幽隱畢形照逃括之吳鈞
盤錯立解才餘游刃譽重如璋茲以覃恩授爾階
承德郎錫之勅命夫佐政之難衿肘苦于不調犬
牙易于相壓爾勤心撫字裕國之能已見矣尚其
靖虔爾位朕嗣有後命

蘆山縣志下

八

皇帝勅曰臣子博一命佐黃堂之理古以琴瑟方之
治道必內有佐之者乃可一其心以及公非僅闔
美侈談已也爾雲南姚安軍民府通判陳萬策妻
田氏靜莊植性淑慎提躬名伐毓根以推布為蓄
德華膺結帨如衿鞶之告箴視政鷄鳴續前人之
旦火觀祥鵲下待君子以霄征懷恪敬於閨庭瞻
宣勞于良吏茲封爾為孺人旣渙綸以從貴益警
枕以襄勤

竹鶴齡展卷有感敬題

勿嗟堆土蓋文章留得

綸音字字香世胄簪纓蒙寵眷腰金衣繡荷褒揚
天書一日來丹闕遺笏千秋重墨庄七尺血軀誠不
負長如畫錦在韓堂

一墳墓

漢故檢校巴郡太守樊府君墓

漢故檢校巴郡太守樊府君碑記

君諱敏字淑達肇祖宓戲遺苗后稷為堯種樹舍
潛從岐天頤亶甫乃萌昌發周室衰微雲伯匡弼

蘆山縣志下

九

晉為韓魏魯分為楊充曜封邑厥土河東樹漢之
陰或居於楚或集於梁君續其緒華南西疆瀕近
聖禹飲汶茹沔總角好學治春秋穀氏經貫究道
度無文不覩於是國君備禮招請濯冕題罰傑立
忠謇有彛史之直卓密之風鄉黨見歸察孝除郎
永昌長史遷宕渠令布化三載遭離母憂五五斷
仁大將軍辟光知之未京師擾攘雄狐綏綏冠冕
同囊封袂長驅卑走枕北國復重察辭病不就再
奉朝聘十辟外臺常為治中諸部從事舉直錯枉

譚思舊職彈克糾貪務鉏民穢患苦改俗喜怒作
律案罪殺人不顧猖獗告子屬孫敢若此者不入
墓門州里僉然號曰吏師季世不祥米巫凶瘡續
乘青羗姦狡並起叩附者衆君執一心賴無滲耻
復辟司徒道辭不徃牧伯劉公二世欽重表擢巴
郡後漢中秋老乞身以助義都尉養疾閭里又辟
奮義校尉君任不為人祿不為己桓桓大度禮蹈
箕省當窮台齡松橋協軌八十有四歲在叶洽紀
驗期臻奄忽藏形凡百咸痛士女涕泠臣子哀術

蘆山縣志下

十

刊石勒銘其辭曰於戲樊攷經德炳明勞謙捐益
耽古儉清立朝正色能無撓頤威恩御下持蒲慮
盈所歷見慕遺歌景形書載俊又股肱幹禎有物
有則模楷後生宜參鼎鉉再建皇靈出經阪險鬼
方不庭所戢節足輕寵賤榮故叙天選而相陪臣
晏嬰仰殿留侯距齊非辭福也乃辟禍兮亂曰渾
元留像岱瀆冶匠兮全精火佐實生賢兮豈欲救
民德彌大兮遭遇陽九百六會兮當舉遐季今遂
逝兮嗚呼哀哉魂神裕兮建安十年二月上旬造

石工劉武良鐫書

趙明誠漢巴郡太守樊府君碑跋

有漢巴郡太守樊君碑 君諱敏字叔達肇祖宓
戲遺苗后稷為堯種植社漆從岐天顧亶父乃萌
昌發周室衰微雲伯匡弼晉為韓魏魯分為楊充
周封邑厥土河東樹漢之際或居於楚或集於梁
君績其緒肇南西疆又云總角好學治穀氏經貫
究治度無文不昭於是國君脩禮相請濯冕隨剛
傑立忠譽有彛史之直卓遠之風鄉黨見歸察孝

蘆山縣志下

十一

除郎永昌長史廷策大將軍卒光中之末京師擾
攘雄狐綏綏冠冕同囊封袂長驅卑走枕北國復
重察辭病不就再奉朝聘七辟外臺常為治中諸
部事又云季世不祥米巫凶瘡姦狡並起陷附者
衆君執一心賴無滲耻復辟司徒道辭不徃牧伯
劉公表授巴郡以助義都尉養疾閭里又辟奮義
校尉年八十有四歲在協洽紀驗期臻奄忽藏形
其後有銘最後題建安十年二月上旬造他漢碑
類多刊缺而此碑獨首尾完好故載其大略於此

所謂米巫凶瘡者謂張角也

明太史楊慎全蜀藝文志序畧

夫郡列邑各以乘上得漢太守樊敏碑於蘆山漢
孝廉柳莊敏碑於黔江文無銷訛刻猶古制東牟
公喜曰漢碑之傳於今中原亦掃跡矣乃今得茲
於遠邦不謂斯舉之幸乎

竹永齡曰樊侯傳奇云樊敏果蘆山樊家埧人年
幼有才家徒壁立未授室一日醉歸大陵溪石橋
之檻倚一少婦衣白衣如有父母喪者謂敏曰余

蘆山縣志下

十一

天台人夫死繼母暴忌不容故逃至此君若納予
予偕伉儷敏曰此實美事但予以書生家甚寒恐
饔飧無以繼婦曰爾若不棄予尚有奩資可以供
朝夕之需敏遂納之夫婦日談書史婦若專門名
家老儒也論天下事治亂燦若指掌魚水之歡暮
月而敏羸弱婦以一紅丸含之即愈曰此猶吾父
所誨之藥餌也病愈還之未幾復然敏求丸如初
夫婦戲談間而丸不覺其吞入喉也婦驚哭曰誤
我千年道行也重言悲痛不已敏百方解之婦言

吾命當終千年功行為爾所得異日爵位居人上
毋忘我也敏受纏綿不已倦寢夢婦曰我與君有
俗緣功行為君所得我死於後山枇杷樹下幸其
收之勿使人見其體也夢覺僅衣服首飾在側及
尋至彼一老狐嫗也收而即葬於彼漢桓靈時投
軍力夫千夫為蜀太守狐墳迄今猶存牧豎登之
頭疼腹痛毋敢為戲牧塲者

竹錫齡曰先人有言樊侯之碑屹立於寒煙蔓草
之間千有餘年不過以為紀功之具耳孰知屠侯

蘆山縣志下

十三

之變縣司爭界不決李公必歛捐漢碑為據而水
東一帶始為蘆有立之者何人乎立於斯者其有
心乎其無心乎猶能為蘆邑作千載憑証也詩曰
雖無老成人尚有典型其斯碑之謂

竹全仁曰按碑或集於梁華南西疆敏信蘆人也
不幸生桓靈之世鴻都門學空闕仕宦之途米巫
猖狂已兆陸沉之慮龍潛於蜀留名千載豎碑紀
勳天末生色字猶古隸獅象羊馬石工精細迄今
令人憑吊於道左非實有學行者烏能如是乎前

志謂公為新莽時人妄開長喙蓋未讀記而考史錄者也

漢大將軍平襄侯明加封開明王姜維墓治內龍尾山之

嶺今金井閣康熙丁亥奉

巡撫都察院能立有碑

明大方伯張斐墓治北雲峯洞麓

明朝列大夫竹密墓治北舊大渡縣之嶺

明啓南先生程之緒墓治北龍頭山內

蘆山縣志下

十四

附記

竹全仁曰予如雅州過獅子林觀任公土主碑記云係蘆山任家埧人蓋祀東漢二十八將內之任光也但其字跡磨滅全文難錄前代亦未有實指故不敢書於樊侯之前姑存之以俟考古者總之任樊二埧蘆陽望地文筆挿於南木星橫於東既有樊必有任大約非妄附也

一祠祀

文廟 治中春秋二祭

社稷壇 治西春秋二祭

風雲雷雨山川壇 治南春秋二祭

川主祠 治南祀蜀太守李冰也春秋二祭

郡屬壇 治北中元祭

城隍祠 治中春秋二祭

凡有城則有隍亦如各方之有土即有神也陰陽合德表裏相維殛孤逆鼠豈非城社之福耶

蘆山縣志

十五

文昌祠 治內春秋二祭

附名山縣紫府飛霞洞記

余舊生越雋間按越雋為郡居天下之西南角得坤之用在漢時戶僅十四萬其俗多營窟版屋而息如上古穴居埜處之世其地則多土壙巖穴接黎之邛笮都雅之靈關道自唐太斤土宇包夷荒而郡縣之民不堪命越雋遂與中華壤斷土隔真人肇啓偃兵息民執玉斧而劃棄大渡之外越雋遂淪嗚呼吾將安歸當以黎雅為鄉也黎之邛峽

閔有靈應洞乃吾變化所惟古蒙舊屬漢家之青
衣其俗醇厚簡古如周民好善堯民可封其地襟
帶巖巒如太華之磅礴岷峨之嶙峋吾嘗愛而居
焉近奉帝命徃來全蜀至則寓之以行化恨榛莽
掩翳如少有清虛之所吾必久留邑下苟洙父子
念此甚久吾知而直命之乃忻然於吾殿後斬荆
棘去茅菅為一洞天費僅三十萬錢屋穴皆備吾
揭為紫府飛霞蓋本班固賦西都擬坤靈之上位
攸太紫之圓方與王勃記滕王閣彩徹雲衢霞鷺

蘆山縣志下

十六

齊飛之義上以示吾不忘故鄉之意下以期有志
於攀鱗者休哉蒙山之下亦有變化之所矣後之
人有能自勵而期為汗漫游者乎然東山舊祠興
自紹興丙寅逮今年丁卯始克有洞穴而洞穴不
成於他人而成於苟洙父子亦有數也一日苟洙
欲紀年月曰此事非神其誰宜為吾亦為忻然親
書於石

帝君第七十三桂籍化詩

儒家桂籍隸天曹得失榮枯數莫逃
夢契真誠題

義顯榜隨陰德姓名高封妻蔭子由寒裔曳紫腰
金自白袍為報雞牕無寐客勉心文行莫辭勞
鄉先生竹郎裔建祠碑記

帝君光分張宿德詠周詩桂香內殿丕炳江漢之
靈灋發奎璧之府者久已在宇內矣明代蘆山祠
宇在治東北隅朔望官長焚謁未便順治乙未另
祠城東蓋舊學址也康熙丙午邑侯五一張公見
其廟宇雖具而局度未宏遷舊三官祠於右使門
屏洞開氣象聿新於戲帝之靈俱妥矣帝嘗曰余

蘆山縣志

十七

舊生越雋接黎之節符都雅之靈閔道又曰當以
黎雅為鄉而有不忘故鄉之句味斯言也則必久
留邑下與苟沫父子同一視焉可知也若宦則榮
陞學則攀鱗農工商賈皆臻樂利則帝之錫祿與
嗣其在茲乎其在茲乎敬記之

關帝祠治內春秋二祭

鄉先生竹葱渭曰今關帝祠先內大父王家禎故
宅也公以義眉教諭解組林下適一日有異人相
訪言此宅指日大旺有王侯之象但公家諸公子

不堪負荷耳公疑之園有劍蕙盆景茂盛正開命
課其始終異人云即本月某日某時當盡公曰其
盛如彼其園之緊密如此此物何能即壞乎發微
笑以為妄誕果於彼日彼時有滇騾狂作直闖入
園一嚼而畢公遂默然後果全家歿於國難邑人
奉閔帝祠之非王侯之大旺而何可見凡事實冥
中有定數也

竹全仁曰文章所以發天地之正氣也謝枋得詩
叙云幽不足動天地感鬼神明不足厚人倫培風

蘆山縣志

六

俗者不足以為詩予謂不如此不足以為文如閔
夫子與張文遠並謝加漢壽亭侯以及辭曹等篇
以壁立千仞之氣抒網維百世之詞不惟武勇為
萬人敵即文章更萬人敵也觀其廟貌誦其詞旨
想其生平如日中天令人不敢正視直使頑廉懦
立豈非百世之師乎每年五月十三神壽灌燭演
戲予曾有小引云

天開紀十三產英雄於季漢炎精年四百毓豪傑
於蒲陽一遇帝胄共獎王綱許田刀養龍泉禡奸

雄之魂竹葉詩題鳳眼流千秋之淚迄今紅榴吐
燄猶見赤心於中天薰風噓人髣髴聖誕於午日
蘆民鑿井得泉式歌且舞靈爽如水在地捍患禦
災凡我闔邑紳士宜伸瓣香微忱共盡一日之懽
呼聊為千古之瞻依

附李卓吾聖像贊

亦曰壽亭侯亦曰美髯公亦曰武安王亦曰伏魔
帝三國英雄多若薺何不盡曹瞞父子孫權兄弟
丹鳳之眸若電青龍之血猶膩其不忠不義之徒

蘆山縣志下

十九

遇斯人急須迴避

姜公祠舊治內春秋二祭

明文林郎知蘆山縣事廣陵羊亨建平襄侯牌坊

碑記

平襄侯牌坊之立既竣事邑民程琥等請太學生
思菴王子書以紀其歲月思菴固辭因以強余夫
姜侯在漢封平襄侯在唐封開明王其事功載在
史志者固不必論其開拓疆宇鎮撫西南綏緝民
夷顯著茲方者不容泯也邑民感而思焉敬而祀

焉祠宇之崇創自往昔歲時之祭久而愈虔敬思
之心無所致力迺於祠宇之前立坊以表著之噫
民心之天良其不能自己者有若是耶坊之經始
蓋自嘉靖己卯之四月告成於嘉靖丙辰之八月
其用木植以百計陶瓦無慮百千工匠之資費四
十金當其事者邑民周文秀李成楊楊應教楊茂
助之成者張生生羅文彬王甫程祥守其祠者琥
也祠在蘆邑城內東南隅君子過是邑呷瞻是祠
固足以見有功於一方者之必獲報尤足以徵蘆

蘆山縣志

下

民之敦義云

明文林即知蘆山縣事周斐裴祭文

於惟我公山岳葱蘢三軍威重萬古英雄三國人
材稱為獨盛公於其間尤為著姓智勇膽畧孔明
見取制勝出奇莫與為伍元戎不存典型猶在柄
用張弛望隆中外聲罪強魏妥帖弱蜀眼底無人
胷中有物讐國肆論救世疇能丹衷素志白壁青
蠅黃皓叢蠹主上致疑沓中屯田就裏鳴夷天之
所廢時難支挽魏兵犯順蜀勢云蹙載起我公川

於久廢矢心孤忠畧無怨懟拒險為阻劍閣崔嵬
蜀虎當關魏魄其褫陰平失守鄧艾入深西川瓦
解后主輿陳手詔諭降非戰之罪無主奈何有懷
不寐士季禮遇伯約佯和以魏攻魏鍾鄧交訶鄧
叔檻車踵亦杙肉西來將士一肢擒戮天若祚漢
何有于魏大事已去神謀莫遂將軍先殞炎燼盡
灰精忠貫日正氣奔雷成敗英雄是非一綫不死
真心百世猶見公之為漢良工獨苦萬代綱常孰
曰無補名遍天下靈獨聚蘆神豈無謂保障邊隅

蘆山縣志

五

生為忠臣死作正神乾坤不老天地長春流芳無
涯護國有永雖死猶生未為不幸漢季迄今無慮
千載正直聰明福民真宰能禦大災能捍大患有
感即通無隱弗見屠尹治日強暴吞噬神亶至公
當常厭之啓誘屠衷極力反正曩微神襄詎能取
勝助屠成名為民除害靜言思之神功居大末職
小子久仰英風奉命來官技乏雕蟲恐辱君命于
神陰祈思起行翼於我陽垂凡百所為神功是倩
以慰生民以荅休命昔不斲屠今豈遺我因民庇

人無方神荷渠方履任莫展愒慳生芻醴酒有慚
苾芬幽明用通藉之薄奠鑒此悃忱無然歌薦

屠侯祠舊治內春秋二祭

明山東都司邑人李必欽請建屠侯祠碑記

屠侯諱密雲南耳海人以孝廉來知蘆事適天全
二土司猖獗蹂躪蘆民守土兵戎竹公諱鳳奉調
隨征遼東蘆民惶惶無倚侯義勇性生文事武備
兼治擒捕廓清愛子死於難侯亦卒於官迄今數
年間縣司界定無敢搖蕩我邊宇侯之功也奈受

蘆山縣志

三

銓選者聞蘆多事枕卧京師者三人幸縣尉汪公
諱浩捧檄治縣事將舊大渡縣南遷附姜城廣其
雉堞而姜城縣署侯父子靖難盡節之所通縣父
老泣顙當路奏請以為侯祠特旨俞允沅陵歐公
適下車謀以大伯方伯張公斐配享同一天挺人豪
國爾忘家相對血食洵乎無愧仲秋望之前二日
為侯獄降之期與平襄姜丞相盡節之日相近蘆
民弔姜丞相即為祝侯之會西魏封姜侯開明王
舊有彩樓四十八座壯其品之高節之堅為姜丞

相設也即為屠侯設也靜智釋子廣杰出田五斗
以為侯焚獻之需從此望廟貌而思侯之功猶想
見靈爽於斷雲落日之表在禮之以死勤事以勞
定國禦大災捍大患者祀之吾知斯祠之歷千古
而如新矣是為記

李翰章曰屠侯定疆死難之後遣先公必欽彥虎
解綬歸蘆凡胡龍奏分山水之界與汪捕公建城
鑿池一一皆出其經畫及與屠侯詳建祠祀碑記
皆其手筆予不敏敢詩以識之

蘆山縣志下

二十三

憶昔六番犯界時潘苑王李盡歸司屠侯義勇甦
民困汪尉賢能創治基一死千秋留正氣四城百
世誇湯池才猷經畫悉吾祖附尾芳名卧斷碑

一土產

綠菜黃庭堅有贊蘆邑惟大林溪始產然溪乾水漲俱無靈閣與董卜所產者多蓋聚于蘆故云蘆產也

腳魚有四足又名孩兒魚多類人形夏秋間水泛於岸得之味佳剖之即一片猶躍人多懼而不食食之則愈瘧疾

五加皮以藤附者為佳靈山靈源洞等處皆產蘆人採三甲者為麩藥造酒故蘆酒皆益人

菜花石

出於龍門索橋上下俱無亦玉類也

竹全仁贊曰漏閣上流龍門之許有石其間不與
衆伍深藏彩色微露頑璞亦温亦堅内精外粗鄉
兒玩褻鄙薄古董識者棟拔管城為友懼其雕琢
潜於一澳不逢卞和孰為之泣女媧得之携之天

補

蘭

靈山羅城悉產一本一花其香遠襲

孔聖倚蘭操曰蘭為王者香今與衆草為伍也遂
援琴而操之

蘆山縣志下

音

習習谷風以陰以雨之子于歸遠送於野何彼蒼
天不得其所道遙九州無所定處時人闔蔽不知
賢者年紀逝邁一身將老

鹽井

元至順三年印州有二井舊名曰金鳳芳池
天歷初地震鹽水湧溢州民侯坤願作什器
煮鹽而輸課於官詔四川鹽運司主之由是
蘆山等處鹽井遂出至明成化年間鹽汁消
涸且嘉定各井有開了上方井餓死下方人
之訴因封塞不開

按蘆山僅四井其餘散處大井天全靈閣總屬蘆
山守禦所康熙元年奉

旨裁軍歸民

按火井出於西漢新莽時熄東漢復出蜀漢愈熾
盖與火德相應也其後徒存其名

一仙釋

宋禪惠

廬山人屢舉不第元符間郡守呂由誠以僧勅戲之即削髮明日往天寧舊老叩以佛法云不許乘馬師曰文殊乘獅子普賢駕象王新來一個佛騎馬也何妨其机敏不一有禪惠語

明無霞

天王寺僧九十餘說偈脫化

明知縣屠蠻贊曰

夙賦菩提性先知本一誠為君今作偈下古亦留

廬山縣志下

二十五

名

儒學教諭諸民安贊曰

稟性終苦拙始終亦無缺要知一片心清風與明

月

儒學訓導丁龍贊曰

出自一真心德行誠難比應知不朽身千古亦如

此

明韜智

能詩能字初至廬無衣無履竹鄉賢以衣衣之即口占曰未衣豈盡寒既衣豈盡暖寒暖不在衣君意如春轉言多應驗不知所終人以為瀘州安而慮也

清本宗

流寓蘆山削髮雲峯洞洞高雲際石壁懸岩
足不下山者數十年一日於山中探竒得一

本來

出即建為靈源洞後入蒙頂為諸禪之最
崇慶州張進士子也避難於蘆削髮靈山博
學善悟一日說法忽將校闖入請以射為說

即于座應聲曰固直道也亦觀德耳彼注

茲慧眼先觀乎百步得心應手面壁必待夫

九年失鵠反求則面目自見正己後發則身

意皆靈一矢貫雙鵬空中于此無物三箭定

天山前途何能有障這等太願力人說是六

臂三頭不是小作為方稱他千手千眼爾聞

得有弋不射宿者乎這就是阿彌陀佛了諸

如此類蓋儒釋也

涑洄

本宗之徒老于靈源數十年未出山門草衣
木食為戒律長

羊得所

道儒醫充養有節言動不苟遠望之有仙風

蘆山縣志

二十六

甘常宇

亦醫學也語言似顛能寫反字倒字不假
思索人抱恙求藥摩其頂即愈人以為仙
醫焉壽登期願大笑而卒

邑侯張啓鼎演香山戲竹郎齋題小引曰

一事可傳編為野史一節之善演為詞場益使悲

歡離合千載如生而忠信孝慈萬人相感如香山

寶記女中文夫以今人而貌古人雖舊事而若新

事是以著之為卷拜念恐拘善懷不若演之為詞

跳笑實發天興種眼根種耳根善戲謔兮改心地

換意地是或道也

一寺廟

靜智寺

圓覺經云清淨法身汝之性也圓滿報身汝之智也千百億身汝之行也若悟三身即名四智茲寺以靜名之出乎圓覺之表也在治北五里建自宋貞元年間明僧海天增其舊制廣其地土甲申兵火漸頽僧善成修補繼則僧耕雲重建前殿廊房而規模如故然正殿猶古創也耕雲羽化邑侯張緒旌之曰道岸先登

明竹顯勳字元昂靜智寺碑記

西方有丈六人肇開西國結成淨土出其力量神其智慧或雲塔於海上或樓閣於天中或泥牛耕於海底或身印耨於天上種種可繹吾邑靜智寺

蘆山縣志下

三

繇坤厚續承當時俗習多澆常住頻有侵加坤之后廣杰恢復之未幾而海天出夫海天抑西方之所指為海天者乎實其海天遂名其海天者乎自十二歲服消瘦衣起而大襄其事盡墾可穀之土盡出山林之利歷七十載經營締造釐然有序素履重於鄉評官長嘉其義士大夫稱其賢護記二十二年其表表於當年非埋頭吃飯者倫雖古唐瓚不是讓也迺本寺有常住山田糧五斗萬歷十年三鄉書里謊詞王侯那移增糧自后賠納累重

僧衆日益耗散田地日益荒蕪錢糧日益廢闕殿
宇佛像日益傾頽天啓元年雪雹變作嘉禾盡屬
腐草僧堞愈空而海天年耄力憊徒孫孱弱痛苦
無已我朝列公偕鄭侯躬詣踏踏驗果見梯梯小田
田少糧多委難服納且考殿亭建自貞元間為蘆
第一剎一旦荒地秉公酌量裁糧以稍甦苦楚則
田地不致荒蕪錢糧不致廢闕僧衆殿宇聚復如
故此鄭侯如天之澤我朝列公護持之力何莫非
海天力量所致且於寺中建葺房樓寺后建觀音

蘆山縣志下

元

堂寺之上建普照庵復得我朝列公捐貲以助其
用則於塔海閣天耕海耨天者同一軌矣海天老
而不倦仍廣植松竹鬱蔚青葱鶴集於木雀啣於
枝時野而坐茂密下借蔭濃之餘庇接籟傳聲未
有不羨慕海天之精神若海天者賦質古而朴秉
性聰而靈語言拘拘小心翼翼禮客賓賢春風晬
盎上可以不媿坤厚下可以有光廣杰而續厥寺
之功德者寧有旣耶夫減糧建監伊誰之力人曰
海天海天不有歸之士大夫士大夫不然歸之佛

力佛力冥冥不可得而名乃名於碑厥後繼海天
之志仰止嗣緒庶斯名不朽也余嘗流覽靜智發
脉靈鷲勢處峽岬繚曲僻而雅層巒環富據大地
形勝遠岫岫菜竹響斷雲嵐光猶黛礪砢列嶠門
前田地水綠山青鳥鳴谷應烟起霞蒸造設多奇
望眼場舒香火不馥山雲杳杳為寒煙蔓草而瓦
礫是懼也故始得紹坤創其規模既得廣杰釐其
疆界終得海天紹坤之未紹廣杰之未廣使鐘鼓
常鳴香火時舉則西方有丈六人靜智有海天智

蘆山縣志下

三九

慧首出能任能賢勒之石中表傳後世以示不亡
焉則海天其歷千萬世而如在後人遂得仰千萬
世之眼目也稽昔巢首而著之大乘焚履廼書之
文字記誌不同其示不忘一也故闔邑士大夫欽
其道力揭石而記之有如見其海天者欲知海天
之甲子則生於嘉靖甲寅年四月十五日矣
丙戌夏日守戎吳敦簡字玉裁縣尉蔣進禮字獻
赤偕竹全仁昆玉訪耕雲上人飛觴唱和各成三
絕

不避炎煇馬上來
禪房幽靜鳥聲催
竹林七士今逢五
我且携僧破綠苔

二

竹林深處鳥緡蠻
今日終偷半日閒
大醉不知歸路晚
天緣應否怪人慳

三

竹林當日少吳生
我且今朝得縱橫
三萬六千渾是醉
酩醕此夕可忘名

竹全仁和

蘆山縣志下

三

得附將軍驥尾來
詩題紗籠不須催
晉人風度今重識
勝紀千秋映碧苔

二

不效樂天舞小蠻
沙門繫馬有餘閒
壺歌抵掌成佳會
斗酒連傾敢吝慳

三

閒訪禪關興趣生
松陰斜徑小橋橫
自從題句長廊後
山谷兒童識姓名

中州蔣進禮跋

詩有別才每發揮於酒後人當幽境自瀟洒於風
前七言倚馬斯文主將無慚三咏連鑣名士風流
不愧一時之雅興堪誇千秋之韵事足紀矣

廣福寺

治內俗呼為下寺以靜智為上寺則廣福
為下寺也為朝賀年祝之所
西方景宛如海島別一洞天形狀如生水
石山龍物物淨淨活動盛暑入其間肌膚
頓涼人以為仙手所製

明蘆山縣儒學教諭丁卯舉人金川潘邃修廣福

寺碑記

釋氏之教粵自兜率天中降神於西域其名曰佛

蘆山縣志下

三

前人謂為西方聖人信然蘆唐封開明王城北三
十步許有古廣福寺因宋遷治大渡基址存於草
莽今復城堞南遷朝賀拜祝靜智隔江未便僧妙
鎧白於邑長剪荆棘除莽穢鳩工遴材正殿門廡
完備欲作西方漂海景無有工於塑者俄焉而西
方回僧師弟欣然任之始和坭未敷一夕大雪而
回僧渺渺不見其面及視寶壁而刻畫已成觀音
大士飄飄如在海中龍宮波濤鳥獸如生宛若目
覩普陀之勝槩者異哉其神也無何妙鎧中道圓

寂天順乙酉印之九鼎山苦行禪僧關證為天全
二招討所慕以禮聘迎飛錫過此覩其功德未就
遂發大誓願守禦竹所公昌暨縣尹張公敏信慕
傾貲黜聖丹漆金裝妙彩色相巍然由是上以慶
祝 聖天子下以澤被一方民其福之廣者未可
一二僕數也如妙鎧以及回僧禪僧或亦同自兜
率降者乎何其佛力人緣之畢就耶邑中之觀瞻
已具永鞏皇圖於無疆是又在佛子之靈廣其所
當廣者乎因序其施財助工者之姓名於碑陰而

蘆山縣志

三三

為之記云

大清知蘆山事羅之熊字子濱廣福寺藏經樓記
佛書之入中國由來久矣然其初竟四十二章耳
厥後盛於姚秦熾於梁代備於唐吾中國之人日
益敬信而卷帙之繁幾與吾儒書相等縉紳學士
且靡然舍己學以從之而其徒復侈大其事鳩土
木以為之宮飾丹堊以為之棟誦焉則有拜跪起
立之科儀梵焉則抑揚高下之節奏而又加什襲
以尊之宣鐘鼓以導之其所以崇奉之者無不至

亦由彼教中維持振作之有其人也蘆邑之南街
舊有廣福寺者創自故明年間為歷來祝厘之所
雖踵事增華不一而足然兵燹之餘頽垣敗壁鞠
為豐草舉鹿苑鷄園之地將變為樵蘇芻牧之場
今上御極之有十一年歲在壬子寺僧隱微慮佛經
之散軼而莫能傳也闢地誅茅大興工作曾不期
月而藏經之樓峙焉繼而其徒如清陸續修葺几
樓前大雄天王接引等殿以迄山門並兩翼之伽
藍祖師諸堂莫不沿故鼎新因毀成妍與藏經之

蘆山縣志

樓並昭輪奐若兩僧者始可以告成功於諸佛矣
尤恐以居者之逸漸忘乎作者之勞丐予誌其因
緣勒之貞石以垂不朽

圓通寺 治內康熙甲子江南僧寂成重修護記智

白衣庵 康熙甲子縣正

白塔寺 治北十里相傳有

明賜進士第文林郎蘆山縣知縣前刑科都給事
中宗室朱澍白塔寺記

白塔有寺昉自元至正之七年浮屠人善輝者寔

倡為之而一時營繕之工制作之備葺以加矣然
以其地之旁近先世有神飛塔故名而其形勝則
左七里疊翠之奇右擢清源波流之秀大江虛崖
朝拜於其西寶子名山拱揖於其東春夏之交草
木茂榮呈翠於四畔秋冬雪月水天一色輝映於
兩間信所謂息心之勝境毓道之淨場也夫何元
季兵毀時睽不無風雨之晦冥蓁莽之掩翳舊趾
宏規泯乎其頽甚矣於戲孰知天運循環還無往不
復是固有數寓乎其間然亦存乎其人焉耳當英

蘆山縣志

三

宗睿皇帝即位之初本郡布政使張斐悲法相之
陵遲憫福地之湮沒慨然捐財輸粟綜理故墟建
成殿宇於其前既而得夫任持永旭募化善緣粧
嚴聖像于其後是蓋晦者復明泯者復興矣若是
者伊誰之功歟迨夫皇上臨御之十有八年乃得
上人智琇者俗姓程蓋旭之姪法門之願袖也幼
懷真敏蚤悟三空之心長契精神堅持四忍之行
凝神內境誓秉靈白之誠栖慮禪門翼前有為之
崇人緣未幾四衆咸集遠近樂施楮材陶瓦度地

奠居不數年間殿堂庭廡百神佛像罔不采金而
畫玉山門兩廊棲止廬舍靡不飾華而刻美鐘鼓
時擊丹堊塗墍以至百爾器用無不完備而修行
茂林竒花異草亦皆以培以植但見佛光高布利
敷生民上官君子朝謁匪絕觀者溢目遊者忘倦
視昔有加焉吁上人雖勞厥後以克有成績然張
公所起旭輩之所修善緣之所致規模宏遠亘萬
古不可得磨者矣予欽承上命來撫是拜間因政
暇民和四境寧謐于是乃偕士工僚友於山之麓

蘆山縣志下

三五

水之涯徜徉以樂道出北門半舍許茲寺在焉至
則周覽詢其所由嘆息上人用心勤勸而其戒行
修潔一金石之堅確也上人因得以接識余而余
亦嘉重之今余將滿三載之京矣其琇請文以勒
石愧余不能如韓之于太顛留衣為別也是為記
之用昭不朽云

天王寺

治北五里明正德年建

柱上羅漢降龍瓜甲如活一日出寺戲水而
歸尚未復其原跡僧見舉斧打其一手殿柱
壁裂其形現存明竹顯勳賦其事曰

四靈分得一靈尊不渡禹門渡法門何事應真能
拘束雨花臺畔卧祥云

寺中有海棠盛開村婦折之花枝滿地竹元
鼎賦其行於壁

海棠花色映天池日上枝頭素粧倚葉蓁蓁嫩綠
政茂花灼灼淺紅可挹老嫗入宮起妬心上樹攀
花又折枝無益西施應難容剪且敗兮真可惜痛
煞山房醉古客願與海棠懲逐之

守戎吳敦間遊覽詩

採風來古寺吐納俯洪流水出烏鴉漩山圍白虎溝

蘆山縣志

三六

野花名難辨息鳥語無休珍重墻間句紗籠墨蹟留

崇勝寺 治北五里

龍龜寺 治北十里

福田寺 治西五里

湧泉寺 治東北五里三堤總無水源惟寺前一帶

湧數十泉故名八景湧泉萬斛即此
鄉先生竹郎裔全邑侯張啓昂祈雨於寺中
命學生指韻遂賦於壁

蕩風麥穗都成瀾樂得遊人馬上看終到剎中解
大帶便思茶後坐蒲團山童指韻偷相笑佳客沉
吟暗自懽泉湧怎及詩興湧波翻萬派潤田寬

復醉題於壁云

湧泉寺湧泉湧泉湧寺門門喜湧泉湧泉先
無寺建寺為湧泉所以因湧泉故名湧泉寺

上伏江寺

龍門河口善士
楊翹升建

石山寺

明蘆山縣致仕任山東都司事李必欽石山寺碑

記

聞釋氏之教三代之世不聞六經之書不載厥后
漢明帝夢金身入殿迨唐迎佛骨鳳翔而佛教始

蘆山縣志

三

入中國所云佛即心心即佛無非欲人存其心制
其欲為持身之本也無何其說一倡惑世誣民不
揖君親不供祖稅而獲福消愆之說盈與內豈釋
教之本旨哉是可慨也方今聖朝酌古準今不廢
其教內設僧錄司外設僧綱僧正僧會司悉皆輝
煌殿宇甲第連雲蓋欲借以為朝賀拜祝之地亦
為世之小補耳蘆山縣治東十里石山寺創自國
朝來山高聳巨細積石列於左右因以為名本寺
僧廣惠俗姓張龍門人也秉性溫慈堅定不老赤

子之心不汨平旦之氣酌水焚香夙夜匪懈洵羣
鳥中孤鳳烈火中金也師徒裝嚴佛像丹艸殿
宇香爐海漫煥然一新壯麗可觀又施章原捨田
一段永為常住里民張相張文翼張萬清等詣予
請記予思釋氏於儒有吾道異端之別每相予肩
韓退之欲火其書人其人何記之有然借以上祝
明天子之萬壽下以祈年谷之豐登因相生敬因
敬生悟以予言質之亂石應亦為之點頭也是為
記

蘆山縣志

卷六

青龍寺

治東北二十里

迴龍寺

治東飛仙閣

下伏江寺

治東為新任官長上任更服之所

大悲寺

治東

石佛寺

治東五里

本朝監軍僉事庚午科舉人里人程翔鳳碑記

石佛古剎昔名山鵝院義自何昉豈分雁蕩鷄足
靈鷲之餘勝耶佛以石成離石非佛苟欲求佛即
石是佛昔人粧嚴寶像取茲頑石蓋具大慧力大

圓通者矣不然梅檀可也金玉其相可也瓔珞琉璃無之不可也取丈六金身五蓮花座一石蔽之者何抑使閻浮一切衆生石身石口石意不欲血肉七尺墮入三業迷阱耶抑泥犁刀劍鉄銅風火諸獄惟石身口意除絕三業人為能出入無間輪轉生天故借頑石寶相指點骷髏衆生耶吁婆心哉泥牛渡河石人騎馬金鑣玉杵迷者幾人悟者幾人數寶鄰家執燈借火舉世如眠醉石又安知即石是佛離石之非佛耶雖然佛石矣石可鏤而

蘆山縣志

三

成佛不可煮而飯僧諸比丘燃石火耕石田一袈裟地外如象如龍饑不可食寒不可衣佛以石名僧未免以石困常住無矣有茶數株參差亂石中尚不足世尊諸菩薩座前一朝清供而前茲未經察實反致貽害於山門今幸宰官檀越時憫此山之荒寂也而先後體恤迭有奇緣不可謂石佛之真石佛也矣寺址闢自成化元年至十一年重建自萬曆四十三年又崇禎丁卯年乙亥年前殿則化僧道殊主之助緣雕塑諸聖為善民陳德煒妻

楊氏中二殿則度牒僧會司真觀主之層累增修
香火煥然後樓則度牒僧真禪主之助緣者為周
溥陳元相諸信善本宅前後殿樓捐貲屑需不計
延匠雕裝白衣大士一尊續捐田作常住永捨真
觀師徒耕種焚獻常馱尊者永作鎮盟是為記

竹永齡修隆興菴碑記

治西思延水
口半黨

古皇先生西方夫子也於中夏名教無所與然所
謂清淨法身則即天命之性也圓滿報身即率性
之道也千百億身即修道之教也並金剛離色離

蘆山縣志

早

相以及大小乘楞嚴諸說亦稍得吾道之一體夫
六經三史皆經世之書士君子誦讀而佩服之若
愚夫愚婦未免仵格而不相入孔子曰民可使由
之不可使知之職是故也况天下賢智之人恒多
中庸之人恒少惕之以佛子天堂地獄之論勵之
以佛菩薩圓覺之因返叔季偷薄之俗以漸還性
命論理之大是佛子之教亦可以驅之而佐吾道
之窮也且一方有控扼之地風水所關欲建樓閣
遊玩之所以崢嶸其勢久必頽廢不若神道設教

建世尊龍像於其間反可以垂世而不替則佛寺
菴觀天可借之以培補地脉之不及也如思延隆
興菴者江氏先人耕掘得香鼎等物於層泥石堆
中猶屬宋代紀年知為古刹且斯地正縣司連界
之所於是建之為菴使平疇間有層巒疊起之勢
最為壯觀歷兵燹以來竟得不廢菴僧永勝因思
基有餘址重修大雄寶殿以及左右龍神祖師堂
以全一祇園局幸逢本縣張侯諱緒守戎吳公諱
敦簡捐奉資之且解腰纏之尾貫賽布袋之盈餘

蘆山縣志下

里

者建盡商農庠岷江岸上金鳳山前清夜之下自
省其一念之安與不安即有一天堂地獄之懼在
其意中謂之稍寓吾儒化導人心之微權於萬一
未為不可也若云我無一錢談波羅密效坡老藏
經之銘也則不若是之愬也是為記

朝陽寺 治東白土池

竹全仁白土池朝陽禪院碑記

自天竺之迦維衛國淨梵王太子勤行精進覺悟
一切種智而謂之佛嗣其教者有經論律三藏達

摩西來後有律學禪學之別唐末五代聰明英異之士遊於山林憤世嫉邪言語文章托於禪以鳴高如聯珠疊璧終不能掩其光輝故律學禪學頗有可觀而傳於世龍之為見為潛惟其時耳禪何能朝陽朝陽何能禪耶而茲以朝陽名禪院者何居毋乃以事事各有得意之處宗風昌熾能百千萬億化身使頑石悉點頭即禪家朝陽世界而遠摩釋迦如在今日耶

本朝康熙元年壬寅性懽僧開山建立朝陽禪院於

蘆山縣志下

四三

白土池說法演教信從者衆繼得吾族海雲自幼祝髮苦行修持其寶塔樓殿陸續完備已將町疃鹿場化為清淨法門也又得海文兄弟而道友以蓉城文殊院衣鉢共闡禪宗一禪一律如圭璧鷗鵬互發其蘊升座剖晰半出過庭所聞反覆申辨於二宗不無潤色焉所以以禪院而名朝陽者以此今殿宇裝嚴廊廡煥彩行將有梧桐生於其間鳳凰鳴於其上白雲深處梵語驚人綠樹叢中鐘聲午夜且沙門繫馬仙客留題竹院逢僧得閒半

日某亦吾邑中之選佛場也夫其亦太平世界中
別具之洞天也夫是為記

按蘆邑寺菴頗煩如廣福借為 朝賀拜祝之地

伏江以為新任更服之所或誌古蹟或備遊觀非

獨以佛教崇重也故錄司馬公禪解頌於左以醒

群迷

忿氣如烈火利欲如劍鋒終朝長戚戚是名阿鼻

獄 顏回安陋巷孟軻養浩然富貴如浮雲是名

極樂國 孝弟通神明忠信行蠻貊積善來百祥

蘆山縣志下

三

是名作因果 仁人之安宅義人之正路行之誠

且久是名光明藏 言為百世師行為天下法久

久不可掩是名不壞身 道義修一身功德被萬

物為賢為大聖是名菩薩佛

縣主祠 治內一所治北七里山一所

竹全仁縣主祠碑記

縣主祠者祠姜氏也古者公侯之女咸稱郡主縣

主世傳主為季漢丞相大將軍平襄侯 伯約公

內弟縣主之稱從漢制也常考吳雲伯約傳云侯

一計三賢斗胆者烈親舊收葬於巖道龍尾山而蜀志亦載龍尾山有漢大將軍姜維墓前人每多非之然披志按圖竟無公塚若此塚猶非此公是天使忠臣烈士無葬骨之所也侯在蜀漢專國柄者三十年九伐中原醮周雖有仇國之譏然春秋大義直道在人豈忍指為仇國耶昔召伯甘棠人尚戒勿剪伐况侯骨肉之祠乎據吳雲親舊收葬之語或者蘆邑舊為主食采未可知也在禮之法施於民者祀之以死勤事以勞定國者祀之能捍

蘆山縣志下

四

大患禦大災者祀之蘆人感姜侯之功烈祀姜侯並祀其主宜與秦伯伍員季札共垂祀典香火奕禩而不在狄公奏毀一千七百餘所之列也斯祠也自甲申兵燹遷建於茲風雨飄搖日見傾圮而護記智高乘時修葺填平基址粉飾殿堂以及祈嗣等小齋逐一建豎並立碑以垂不朽地靈人傑鐘鼓鏗然紫衣年少萬代維新赤帝孤臣千秋不死姜城夜月輝映天日亦三代之直道未盡泯也爰錄勞於事者之姓名於左

東嶽廟 治內

秦武安君祠

治東相傳為白起也無碑記可考
經亦有祠土人稱為壯惠侯姓秦

鄧公廟 治北二里

按廟祀之設有四有功德在天下下萬世而天下萬
世祀之者禹稷孔子是也有功德在一方而一方
祀之者如蜀之文翁李冰是也有臣死忠子死孝
即其死節之地而祀之者如張許睢陽伋壽雙義
曹娥銀瓶是也有忠信著於當時行誼可風後世
文章節義可誦法而四方聞而慕慕而祀之者如

蘆山縣志下

四十五

歷來之名臣大夫學士先生是也靈爽與斯地相
依香煙與精神相通祀之者有謂而享之者無愧
矣蘆邑鄧公祠前人相傳以為祀禹而又有以為
取蜀者艾獨統大衆威震西土不得其死於蜀蜀
奉晉命祠之後遂誤以為祀禹耳不然禹未嘗至
蜀蜀人何以祀之而不知禹勸光武延攬英雄務
悅民心立高帝之業救萬人之命使漢不失舊物
天下後世誦其言者思其人祠而祀之未為不可
也蜀承漢統少延一綫於偏安而艾逞智滅之蜀

人痛入骨髓也尚何祠之有耶則此祠斷斷為祠
禹而非祠艾也若秦武安君祠謂祀白起甚屬無
謂秦并巴蜀於周慎觀王之乙巳五年越赧王已
亥五十三年而白起始用於秦無^絲毫德澤於蜀
而蜀人何以祠之况其像見毀於宋祖足快千古
之觀攻趙伐韓即兆呂不韋陽人聚之遷正與鄧
艾等竊恐秦之封爵武安君不止一白起或有流
膏於蜀如李冰者蜀人祀之誤以爵之同而以為
白起耳不然則亦 州象祠之類乎故不可以不

廬山縣志下

果

辨

龍虎山廟治東北二十里

按龍虎山相傳唐都給事上元人鄭太清奉旨驗
蘆葦荒卒於龍虎山蘆人祀之楊升菴先生觀蔡
松續水經引古蜀志知為尹伯奇也夫伯奇純孝
臺築孝思履霜中野西銘稱其勇於從而順令固
可祀也然未指其何以祀於龍虎山竊以太清奉
詔踏災而亡忠也伯奇孝也王陽王尊易地皆然
忠龍孝虎兩存之可也

龍頭山廟 治北十里

明廣西道監察御史張斐康公祠碑記

從來為一世之英者必享千秋之祀靖一時之難者必傳萬古之名况乎地以人靈人與地著潮州之祀韓文崑山之戴狄武同其事也吾蘆東北十里
有龍頭山傍為麒麟溝又名龍麟山從龍頭山而言之則以山之天矯也從龍麟山而言之則以兩如龍麟聚會之意也龍也麟也分四靈之二為文明治世之祥康公南直徽州府海寧人諱性夫

徽州府無海寧縣

蘆山縣志下

四七

人柳氏想亦茂材之望族乎元末為蘆邑宰至正十三年正月十七日明玉珍僭號公慷慨不屈後逃入龍頭山箐我

太祖龍飛之三年玉珍猶據蜀土康公機露而亡棲神於此屢有顯應神之意其托於龍乎其托於麟乎雖功在一隅節在邊方然一時磊磊落落義氣襲人禮所謂以死勤事者其一班哉百世而下瞻其廟貌詢其出處樵夫牧豎稱說於山阿水湄之間學士大夫嘆羨於裨官野史之策則潛龍現其

片甲獲麟見之邊邑亦吾鄉之佳話也予奉
天子命代巡西粵無一暇晷遣郵傳公之祠成吾鄉
父老囑予記故里家山遊子歸夢愧不能為一世
之英靖一時之難徒鹿鹿於衣冠之場走筆而書抱
愧良多矣正德十年春正月撰於粵西官署

張侯廟治北二十里

邑鄉先生竹郎裔修張侯廟碑記

從來天爵與人爵不異神道與人道同揆若天工
弼亮自流芳於兩間即一節著名亦傳奇於千古

蘆山縣志下

四八

生而為英歿而為靈蓋其精神凝聚與天地山川
相為固結而不可泯者在在然矣蘆邑東北二十
里有張侯廟焉相傳侯原籍江西撫州府南宋由
進士為御史謫守蘆邑龍門之陽有龍池與羅城
之白馬泉通歲旱禱之輒應前石山寺有待澤亭
謂歷來之邑侯祈雨而待澤於此也傍有銅鼓廟
鼓樂禱雨而奮然登山求泉蓋同鼓非銅鼓也張
侯詣泉待澤而陡亡於此邑人遂建祠祀之聞於
朝進階太保修志者遺其諱明嘉靖壬戌遷祠茲

土歷甲申兵燹而廟貌如故無敢有毀之者已足以見其神也但廟地高聳俯視亂石晴明如縱觀咸陽千門萬戶陰雨如雲屯甲馬八門六花張侯魄留於斯洵有以哉今康熙壬寅邑老生宋當時糾里內善士楊華^華宋榮貴重加補葺而請記之石予曰進士侍御人爵也今而神矣則天爵也遭謫盡職人道也而今也祠之則神道也秉忠直以事君不遇故去聊乘下邑之車盡惠愛以宜民偶焉身亡遂成香火之地天耶人耶神耶其爵其道豈

蘆山縣志下

完

有異耶敬記之

潮江廟

龍門渡口明教諭汪千里題其門曰千重翠岫穿雲出一曲清江映月明

邑鄉先生程鞠鳳字羽伯碑記

癸酉之冬十一月既望余感天根見而成梁鳩工於古渡江頭造衲子詣前索余為重建潮江祠碑記余應曰苟有達於辭雖俚語可傳也爰勒一言以誌不朽之事粵稽廟貌之建潮江神即鉅靈氏出於汾睢握大象持化權揮 丁之士驅陰陽

反山川 無

又云壬癸氏佐神

禹治水有功而祀之總之皆上古神也明興二百
多年於茲其初規模未甚高敞也繼而風雨飄零
立見頽圯過茲境者不無丘墟之慮幸遇廉明在
上政簡刑寬時和歲稔鄉民樂吉書楊之鎬王啟
樂吉詩等乘耕耨之餘閒忻忻然為之募叩諸緣
共圖浩建或曰功大矣恐其有初鮮終也孰意丙
殿甫報底績江樓旋稱事竣後先而成之者不日
哉於戲巍然在望將控御山河美麒麟而麗鸚鵡
燁然改觀將憑依日月高象魏而遽巖廊且樓以

蘆山縣志下

五

觚棱文采煥也盤以玉龍制度偉也鑿以屏而開
以闔威儀肅而短度宏也列以垣而排以坊則關
鎖嚴而形勢張也連雲冲漢帶水礪山高矣大矣
洋洋乎再觀一盛槩矣其神靈哉其人靈哉予曷
敢知惟不恤災石敬言以記之

五顯廟

到處多有蓋顯明顯聰顯慧顯聖顯智上
古神也載之雅州飛仙閣倒座廟古碑

石蠶堤廟

治東十里相傳有巨蠶歷歲夜害民苗
時隱時現且能食人人皆患懼鄉中有

少年奮力夜伺斬之今田中猶有石蠶
斬斷之形故鄉人祠焉原任廣安州判
李彥虎曰斬蠶者即樊侯敏也

竹全仁曰方山之繫無支奇事傳神禹芒碭之斬
白帝子異出漢高以及李冰之灌口三石人昭烈
之披錦十字石飛將軍之射石虎洗夫人之馭石
龍惟奇特之人斯有奇特之事有非常之兆斯有
非常之功李鄉先生謂斬石蠶者蓋樊侯子宓余
深信之

飛龍山廟

治北安益樊女神廬山女神之廟七大
約皆古名臣妻妹有功德方如娘子軍
之類

廟溪山姜公廟

治北

廬山縣志下

五

廩膳生員竹文光建廟碑記

昔蜀漢自七擒而後諸葛丞相星殞五原諸番四
侵幸伯約姜侯亮繼其志而邊境帖服其受安攘
之恩者不止廬人為然矣然靈關後戶倍甚故廬
人思之收葬龍尾山世稱姜城凡昔征伐屯戍之
地皆建祠留貌以誌不忘靈麓^麓之廟溪山此其一
也明末兵燹廢為樵牧之場過其地者寄遺想於
碎瓦頽垣之表今

聖天子當陽垂拱五十六年太平天子簡拔賢良任

親民之職 楊侯以浙東世宦鴈塔名儒叱馭入
蘆恒以淡泊寧靜與蘆民相終始故斯民於擊壤
之餘尚慕先代遺蹟鳩工庀材為姜侯重建祠宇
不一月而廟貌聿新遙望金閣樓神之所夜月宛
然而侯忠義之氣或為長虹晚霞照耀蘆邑山高
水長香火奕禩與望碑墮淚植竹立祠者千古同
情也康熙戊戌三月蓋造落成鄉人請予記以筆
之石斯時蘆邑之秉鐸者李黎二公也皆宿儒懷
古佐理者李公也卓犖多才督工演說者靈山禪

蘆山縣志

卷二

僧寂明教聰師弟也道行特著以及闔邑鄉先生

高賈黎庶敬勒姓字於記末

九十老人竹苞曰前人謂蜀俗尚鬼蓋屬鬼星故
也三國傳後主師婆降神一段貽笑千古迄今蘆
俗益盛然亦間有異事崇禎十三年中凡降神皆
言衆神在把守遼東三萬衛識書之子皆誕之及
順治皇帝龍飛遼陽三萬衛即清河縣界始知為保
護

聖天子把守者蓋諱詞也又天啓中邑庠孟師庭者
過龍門張侯廟正值降神孟生戲問歲試題目神
師仰臥數刻言曰吾查明文昌簿籍蘆山題在
雍也第六第十章三字題目後果出今女畫三字
又康熙二十五年縣尉王偕儒學段欲黜其尚鬼
降神等俗拘之降而考之王書二字于手內問為
何事神曰爾為爾我為我王掌內果爾我二字也總
之天地間事難認真即如蜂衙蜂出則晴不出則

雨禽鳥虫蟄尚得氣之先况於人乎凡為神者皆
往古英雄靈爽偶聚偶散古今類多奇文聞於附
傳聲之間如夢中醉中顛語亦聞有條序讀書為
文恒誇如有神耶何獨於蜀而謂之尚鬼耶
龍王廟治東瀑布下原為天旱禱雨之所今頽廢
康熙丙午歲旱邑侯張啓鼎於此禱雨得雨竹郎
裔賦其事

旱魃何為逞烈威農人舉趾望霽霏星言夙駕舞
雩處贏得飛旗帶雨歸

一枋表

靈關古道木枋坊治東今燬

漢將遺踪石坊坊治內金井閣前

大方伯木枋坊今北街張斐立

龍章申錫石坊坊北街竹密

皇都得意石坊坊南街王之賓

政績懋著木枋坊為邑侯沈士本

沈侯甘棠木枋坊為署蘆事沈杰

真民父母木枋坊為署蘆事李弘澤

蘆山縣志下

山斗重望督學道萬為黃廷豎立重定

民之父母通縣為張緒立

一縣景

羅城朝瀑治東羅城山頂晴瀑則雨

佛圖聖燈事見山川志

姜城夜月姜伯約祠前有天狗食月石形似

其石月恒有夜光相傳天全

見二白犬飴其釜咬其弦通

三江魚躍呼為跳羅云

此處漫漶

則晴

白虎懸崖

治北層崖之上形如白虎上山前有旗幟

桔槔翻水

三鄉皆有飛轉聲鳴利民此景

八月彩樓

所以慶姜侯之節也

七里奪標

所以祈年也

外四景

神禹漏閣

金閣聳翠

萬斛湧泉

八步天險

皆邊邑之足觀者

蘆山縣志下

罍

竹全仁蘆山八景詩

羅城朝瀑

蘆陽朝瀑見羅城世代仰瞻卜雨晴萬斛明珠隨
意洒數尋白練自空生前知造化真先覺時出淵
泉一至誠蘊蓄雖高人莫訝源流潔好幾千庚

佛圖聖燈

何事聖燈出佛圖山靈巔上獻明珠金蓮御座誰
能撤玉燭太平可或無天眷遐方欲炳毓時逢盛
代故苞符郢書燕悅人休笑隱諷尚明信矣夫

姜城夜月

姜城夜月吊忠良一片赤心映月光
精白逢秋神更爽清明遇夜魄流芳
九征為國分圓缺一計報君洗晦
亡歲歲金風丹桂縱不知是德是花香

三江魚躍

三江魚躍大方稀主峙關山一石磯
鼎足湍流成月窟修鱗騰化入朝暉
何勞渭叟來垂釣却與嚴灘命意違
欲赴龍門權小試豈同貪餌褻雄飛

白虎懸崖

蘆山縣志下

四九

崖懸白虎鎮雲峯刻畫已成不類庸前導旌旗若
半舒畢全首尾現威容日霞掩映文猶炳溪水咆
哮風尚從應是渡河留影迹千年未許碧苔封

桔槔翻水

人巧偏能奪化工却教天一出長虹輪流不與渾
儀異吐納猶堪太極同綱目畢張惟有本後先循
序更難終輓轡未費旋乾手澤被郊原慶歲豐

八月彩樓

山城鼓角忽囂囂月殿中秋駕海濤八面玲瓏空

際舞四圍錦繡市中教庾亮風流猶自滯元龍品
格未為高崖疆素仰擎天柱百足力行不見勞

七里奪標

秧標挿處燭熒熒誰把冬儼變踏青豈為蟠菹成
戲局實因祈穀開山垆八門排起六花陣一鼓齊
轟七里亭邊地輿情多好古千年百室應盈寧
外四景

神禹漏閣

大禹旅平越蔡蒙為留漏閣著神功飛仙閣外簾

蘆山縣志

五

垂雨禾水崖邊蓋揭龍破石直穿坤所底沙潮竟
與海相通始知古聖傳名處不與尋常淺近同

金閣聳翠

邑中金閣聳雲端洵是山城一巨觀曲檻凌霄頻
煥彩棖題映日永流丹來龍七里孕靈遠筆鎖三
江眼界寬時立風光人仰止遐方氣象亦如韓

萬斛泉湧

萬斛誰云是湧泉平疇幾處吐雲煙清流大海猶
如故澤被人間不計年亞父絜才成話柄蘇文取

致入長篇孕靈堪與老翁比更有何人以地傳

八步天險

天險關頭未易踰森嚴步驟惱風塵有誰躡等夸
前後無敢半途自屈伸子建詩成猶未到武周兵
制似難循王公守國宜如此鞏固皇圖萬萬春

一風詩

宋宇文仕紹興聖德頌

紹興二十六禩皇帝總攬權綱大公黜陟注意德
臣使宅百揆聖賢相逢道同志合或因或革而庶
績咸熙一都一俞而罔不被澤越明年廟堂胥議
遠暨川蜀謂桃林放牛之後罷襃斜流馬之役民
力未紓其弊安在降自外司搜別軍實推其有美
除對斛之未數削縑直之倍估使田夫桑婦穀其
腹而絲其身乃下詔曰朕念四川邈在一隅德意

蘆山縣志下

卷六

志慮懼弗克究晝夜以思安得一時承流宣化觀
風察俗之吏與朕同心使遐方絕徼皆如畿內轍
下不亦善乎又曰朕休兵息民之意爾等固知之
矣惠在生而不傷厚而不困詎容煩役久為民患
於戲德意甚大詔旨甚切舉全蜀五十餘郡越小
大邦罔不精白以承休德凡所谿谷山澤之氓
井畝田食咸知帝力之所加邈爾邊邑卉服推髻
詔下之日悉來竦聽尚恐未諭微臣稽首南望播
告之曰德莫大於生成恩莫重於養育方今廓天

地之德施父母之恩却乃全其生而遂其養有君
如此何以報之相視嘆呀鼓舞而退是歲之彛倫
攸叙百穀用成民有餘力頌聲四起採於擊壤帥
民鳩匠磨崖大書上以述聖朝納民仁壽之域不
以紀齊民歸美報上之心豈不為萬世之休哉謹
按漢王褒作聖主得賢臣頌徒出私意而不出民
謠唐元結作中興頌功雖可紀而德無可錄曷若
方今彌兵之後下輕徭薄賦之令歌詠聖德皆含
哺鼓腹之民自當過漢軼唐增大雅之什矣臣昧

蘆山縣志下

五十七

死再拜潤色其詞曰天作炎圖烏夾千載累洽重
熙盛德光大寶運中興上下交泰皇澤汪洋罔不
霑漑僻陋奧壤尤託王靈中原倣擾獨此彌寧天
雖設險衆心成城抵兵捍關下瞰三秦靈旗或指
何征不克皇帝神武棄功就德一視同仁罔間南
北斷自淵泉休師兩國吳越竦息齊楚來盟發弓
束矢不假用兵井絡編列迄於升平初幼終老獲
全此生向者雲屯開口仰哺流馬褒斜暴跡於路
外府不給犒軍加賦雖率爾力保爾所聚人之講

好廼為息民外司過計覆護其羸冕旒燭遠亟下
絲綸削縑罷糶戒諭丁寧惟皇建極啟時五福代
天理物升之當軸都俞之間澤被遐荒林林總總
既生且有仰帝之德大矣乾坤懷帝之賜父母深
恩萬口附和載之和聲此山不朽刻之以文左奉
議郎和雅州蘆山縣事主學事勸農公事兼兵馬
司監臣字文仕撰

是碑在縣城東一里佛子崖之左右壁之上縱橫
各一丈有奇字畫徑四寸許年久埋沒於土其暴

蘆山縣志

五

露於外者僅數十字而已一日庠生陳昂駱瑛以
是告余余往觀之惜其擁積之厚未易快睹翼日
拉縣簿李公彪暨僧會圓傑監生駱興李憲胥賢
張輔羽士駱文品等督命同井編氓具畚鍤掘之
迄三日有成始得全文於黃壤中粵自紹興至今
三百七十有餘載矣而是碑得見天日豈非好古
者之難遇耶居是鄉者尚加愛護勿為牧童敲火
耕牛礪角可也弘治己未仲冬哉生明忠南李一

本識

明知蘆山縣事丁卯舉人滇之瀾滄陳表國章詩
序

予往年北上道經長沙見府之門屏有詩一律乃
西山真先生帥潭時宴十二邑宰於湘江亭之作
也其言溫厚和平大要勸戒有官守者法古為治
而推恩以及百姓一乾父坤母之心也是心也豈
獨可治長沙而已哉雖天下後世無時無處無往
而不可也予自接目之餘即書紳志期大有成就
作為而力行先生之所教不圖屢舉進士科不偶

蘆山縣志下

五九

自分已甘為天地間之一棄人矣既而揀選銓曹
備員蘆邑亦與有親民之責焉者也自嘉靖癸未
秋七月上旬蒞事爾未幾二載于茲矣其於處已
待人應事接物得于先生之言與否亦不自知也
敢效頰一律於百廢俱興之後以識歲月云
龔黃卓魯古稱循也只安民不害民蜀道蘆山形
勝險韓胡董卜輔車鄰同胞正切雲霓望出宰當
充惻隱仁後視今猶今視古須求無愧古今人

附西山真先生湘江亭詩

從來官長與斯民本是同胞一體親既以脂膏供
爾祿須知痛痒切吾身此拜邦素號唐朝古我輩當
如漢吏循今日湘亭一盃酒便須散作十分春

蘆峯聳翠

李一本

萬山深處見蘆峯可是夸娥昔厝功嘉植向榮青
藹藹茂林倒影碧葱葱雲來氣與巫山接月出光
和雪嶺通最愛煙溪雲淡後渾如桌筆倚晴空

姜城夜月

李一本

轟嶺周圍月上遲漏聲皎皎到孤碑度林竹影玲

蘆山縣志下

卒

瓏見窺砌花陰瑣碎移光浸樓臺連雪湧香零雲
漢任風吹遙看老桂娑娑在待我還攀最上枝

沫水環清

張斐

一泓清徹碧於管環遶山城腳下來春暖魚龍爭
變化朝宗東去幾時回

姜城夜月

張斐

雲端捧出爛盈盤古桂香中老影寒午夜清光千
里共姜城人倚畫昼樓看

北上返棹

陳平策

朗吟招隱棹歸船結箇雲窩近水邊
適意七絃三徑竹生涯萬卷一坵田
不談古籍防人妬旦偶俗情避世
僂倦卧東窓閒學釣逍遙溪畔樂
堯天明崇禎元年夏四月竹鄉先生
字心齋園內椿樹開花五瓣七月結
子如桂葢亦異事也因賦十

二韻紀之

陳平策

古道靈椿是壽著春味各有八千期
未聞吐萼與垂實名院一株傍堵籬
四月綻花花拂披花如特葢弄清竒
孟秋結子子離離楚楚攢攢簇簇垂
雅

蘆山縣志下

空

似天竺飛金粟恍疑垂拱兩桂時
君不見檢討葉君紅蘭系從來至誠
感神祇天為德門降五福特教桂子
長椿枝

倦尋芳

范文光

赤羽飛來嘆弱書生血從何噴為問
天公養亂何為特甚無許多淚哭生
民有若干愁剪旅鬢板長劔砍碎樹
邊枝壯懷難盡憲兒下燈花剔了只
餘下形影孤另漸老無能帶些風疴
雨病壯士身騎白鼻騮將軍肘繫黃
金印只妖氛幾時得個個

戲定

花富貴

范文光

有許多心事恨年來曾不遇伊人賴小園有名花
數朵豐艷出風塵不嘆此花富貴香色兩精神嘆
此花隨我歷盡艱辛 記當日風雪到此人花共
避無門幸遮防護惜留此芳根到今朝燭花長在
與我白髮相親恨人顏不及花顏少愧此清樽

風流社

范文光

看這群鬼兒舞的跳的笑的走的抬的唱的絕妙

蘆山縣志下

卷二

的快樂遊行想今日方才醒了知道偷生把苦形
骸丟過了一恁恁情那泉路上曾無名簡拘束戈
甲分爭 只鬼乾坤許多鬆髮何等寬身又何須
向世上好面皮設機械脆性命枉費經營雖然是
夜臺中鬧春風鬼家活計強勝如人世上闔閭氣
搬弄精神趣丹青畫的是顛鬼嘆的是痴人

玉壘吟

程翔鳳

朝也玉壘山暮也玉壘山朝朝暮暮玉壘了六七
年良堆四時雪扇大一抔天刮耳風沙那曾見些

好風烟重裘不禁暮春寒興來時手提竹杖待要
振衣其上散髮其巔跣坐結個三生石上緣終
道遣怎奈不住的羽書又早到徹底閑

過佛圖山

竹郎齋

行行且止舉頭看石佛如生坐得安威鳳鳴風擬
竹響蒼龍繞壁似藤蟠道傍境界幽而遠遊子心
腸淡亦寬幸有倚門閒衲子啜茶教我且停驂

飲陳萃之園

竹郎齋

初進街門猶是市井俗度喚棋局再進別是一層

蘆山縣志下

卷三

雅素老叟羸半着叫狂無數 誰知道又進佛堂
一座福神洒甘露紅魚兒活潑潑地菊蘭兒籬竹
圍護園圃不讓邵平這是淵明本處

飲宿竹全仁山庄

孫雲鏡

白雲深處有人家迥絕凡流世事麻吹笛牧童樵
短竹啣香野鹿試新花客至煮茗忘俗慮詩成喚
酒論文華知君豹隱南山霧且卧松陰枕石斜

和

雲鎖溪邊處士家門前三畝種桑麻兩行幽趣排

修竹一院書聲隔落花茅屋數椽塵下染主人幾
代朴無華漁郎悞入菴源宿聽說羸秦到月斜

春日偶成

胡聯雲

風景時時異何堪春又深黃鸝初叫日綠柳漸成
陰蛙鬧千村鼓蟬鳴萬樹琴不無遲暮嘆慷慨一閒吟

二

胡聯雲

春光幾十度底事尚如今有道羞貪賤無為枉尺尋
看花多老氣聽燕遶芳心社後還餘酒遣懷呼滿斟

登佛圖寺

王曰曾

蘆山縣志下

李西

結伴尋山寺攀蘿叩石扉鳥啼綠客到磬響識僧
歸橋鎖灘聲激松高日影稀磨村千嶂合誰與話禪機
誥授昭勇將軍黎雅遊擊李玉斯念蘆地福小詳詣請撤汎

兵回州奉

旨依議稽首口頌

蘆山最爾地何用汎兵防天末聲靈洽坤隅教化彰曾
待徵將士虎拜返旗槍

萬壽聖天子九重視聽詳

飲竹全仁春園賞牡丹

黎廷相

數朵名花映粉牆一枝天秀吐聯芳風流不減姚
黃盛艷麗爭傳魏紫觴彩筆曾經學士咏金襴猶
妬美人香何時雨露欣承寵共醉花王錦繡傍

和

樊澤遠

丰姿矯矯露東牆無限幽懷氣自芳春發玉樓推
獨步日館金谷舞飛觴放開嫩蘂滿園秀散入人
間到處香艷質原來生有異乘風吹向聖君傍

和

竹全仁

蘆山縣志下

七

幸蒙青眼盼門墻富貴花開朵朵芳為淡為濃呈
異彩半收半放映霞觴人間漫道渾無色天上誰
云別有香總是春風噓四座終朝如在御爐傍

懷張東之守益南

竹全仁

五龍第一龍珠抱遠潛踪暫袖旋乾手漫扶揭地筇
赤腔無毒孽老眼空辛蜂一日際雲雨聯飛真九重

登佛圖山

羊瑾玉

佛子惟空耳其圖又孰云燈飛何處跡碑斷了無文
縣地何相繞蘆天界若分巔頭聊把盞携手自醺醺

鐵索橋詩

竹文光

精金百煉掛長空
雨霽江邊擬是虹
信步無心登道岸
憑虛有路入蟾宮
採蓮誕說洛陽景
呵斷難矜漢將雄
當年御史今如面
清白低流自向東

佛圖聖燈

胡聯雲

佛圖炯炯異光生
傳說銀燈向夜明
無數珠聯八九點
有時星列兩三檠
金波岩畔朝來遠
靈鷲峰頭掛去輕
川岳鍾奇原不測
長留寶炬照山城

蘆山縣志下

卷二

姜城夜月

片石何年迨琢成
宛如半月地中生
相傳鬼魄同弦望
自有蟾光共晦明
酒醉欲尋吹管客
詩狂猶憶撞鐘聲
姜侯義胆同秋月
千載能忘想像情

羅純朝瀑

羅純山勢鬱崔嵬
瀑布奔流响若雷
欲雨丹巖飛白練
積晴綠澗長青莓
探奇莫問匡廬遠
尋夢疑從仙滌回
何處更圖摩詰畫
朝朝閒望白雲堆

白虎懸崖

峭壁嶙峋不可攀何年白虎踞其間炳文屢變風
雲色素質常餘冰雪斑誰復控弦能射石無人採
藿漫登山只今不肯歸林去俯瞰邊城鎮百蠻

百斛湧泉

龍門平地瀆清波咄咄頻來不用呵百斛淵渟方
習坎一泓澎湃已盈科汲來里井分甘露流出山
溪作巨河不是同源星宿海就中定有蛟龍窠

蘆山縣志下

七十三

三江魚躍

水會三江一禹門錦鱗游泳若雲屯乘風破浪誇
神鯉鼓鬣騰空羨大鯤幾見施農浮綠水漫勞
垂釣自黃昏莼花春暖揚揚去踴躍還同沐聖恩

桔槔翻水

巧駕車輪百尺牢運轉江流日滔滔千畝原田資
灌溉八家同井足恩膏水行不用推移力旱魃無
煩禱祀勞軌里連鄉堪入畫耕餘把酒共醅酌

八月彩樓

西山取竹結岑樓衆手昇來里巷遊乍省金莖多
五采轉疑寶塔掣三洲陰平氣象民情繪錦繡乾
坤月色浮四十八檯競勝罷滿城歌舞樂中秋

羅純潮瀑

新歲貢王心廣

東山如帶號羅城飛瀑傾泉懸掛津彩散林巒巖吐
沫雲橫嶺岫澗拋珍雨晴可占只盈虛晝夜無常
自屈伸碧湧銀河霄漢至早潮一望見天真

蘆山縣志下

佛圖聖燈

佛圖山嶺夜飛光點點明燈朝朔方灼曜高騰星
燦燦精華遠照月煌煌火燎霄漢冲牛斗燄撥
雲霞映壁璜敢是如來說法處天花亂墜到蘆陽

白虎懸巖

千仞石巖跨遠村遙占一虎向天門碧旗獲領和雲
引玉韉全彪帶雪奔皎皎爪牙擎日月哲哲頭
尾盪乾坤姜城知有劉昆令北渡於今萬古存

姜城夜月

皎皎冰輪不染泥
厭從山出與雲齊
姜城垣內精光現
伯約祠前皓魄棲
玉兔無端降地角
仙娥何事謫天梯
總由斗胆冲霄漢
明月飛來直代犀

神禹漏閣

禹奠山川垂遠功
景傳漏閣真玲瓏
石巖只透馮夷穴
地脉巧穿溟島宮
嚴道縣中留蹟飛
仙閣內見神工
魏魏蔡蒙夾相望
閣外長江聲自雄

蘆山縣志下

萬斛湧泉

混混清泉萬斛騰
隆冬凍冽未成冰
穿田小波灌禾茂
放海微濤澈底澄
有本不從山下吐
無原豈向地中升
蘆江聖水芳名在
時出還同一樣稱

八步天險

懸巖八步下汪洋
天險生成控遠方
傾壁羊腸石擦耳
尋階鳥道屐踢裳
孔明陣勢還成律
伏羲卦圖猶有方
只此山間一蹊徑
飛廉捷步亦徬徨

桔槔翻水

一輪蛛網傍江河
輾轉岸頭携水過
吐納多情含
湛露循環着意在
嘉禾功培疆畝
東南畝巧襲天
孫織錦羅不雨何愁
一日盡激來勺勺是恩波

名山邑侯李弘澤署蘆事賞中秋徵詩文啓
冀北狂生川南勞吏少年搦管曾漸摩於拈括之
文壯歲分符未究心於聲病之學矧今筆墨荒落
益緣簿頽沉迷十指槌懸存心茅塞然鷄林久
隔每思吹筆而含毫元圃期探尤喜敲金而憂玉
况當才藪敢負昌期序屆中秋時惟既望正天秀
之乍試值秋色之平分兔影高懸金盃三千垂望
遠蟾光滿布金蘭十二逐人來棲鳥無繞樹之驚

蘆山縣志下

六五

訓鶴起拂花之舞琴堂畫永吏事餘閑因集東閣
之英賢劈西巴之金粉會見盈箱芍藥聯翩異影
千重貯看滿篋葡萄燦爛奇文八緝願而樂之抃
又何求然而原中麟鳳羅矣焉窮天上星辰摘之
豈盡荆山有璞猶期左右俱來劍浦沉龍更喜雌
雄並合况乎珠生合浦經日月而彌多木富鄧林
歷風霜而益茂杜少林江浦雷聲之咏律細晚年
張平子憑虛安處之篇文成十載若非伊唔半世
頌頌難成除是光怪百年文章始見故光芒萬丈

難欽終賈諸君而正雅一朝尤屬幽燕老将特緘
符簡敬達芸齋咳唾飛來一瀉銀河之潤指揮幸
接如聞金粟之聲謹覓珊瑚閣徐凌之筆容陳玳
瑁裝逸少之書伏冀惠然慰余饑渴故啓

李縣尊中秋邀飲賦得蜀道難 竹全仁

蜀道難蜀道難行人跨馬鼻頭酸懸崖曲曲三千
里怪石磷磷十二盤斜梯削劣穿雲出織路木根
到處環人在半峯影在壑分明直去天迴還借問
蠶叢開創時從何飛越國於斯五丁鑿闢重煩力

蘆山縣志下

卷六

詭用金牛却詐誰痴賦蜀都笑左思魚鳧井絡自
為區平羌月影流難盡惟有謫仙繪八詩劍閣劍
氣繞征衣征騎孰能信手揮舉首離天不幾尺高
聲只恐震天扉萬山縱目恍如螺萬水俯看一線
拖日月頻頻掠髮去幾乎兩袖蕩星河星河半影
入夔門萬里湍流一口吞灑灑堆前飛遠掉巫峯
神女向誰論逆流蜀口釣魚山巴子國中水一灣
誰把毫端揮巨浪呱呱啓泣盡潺潺又見驅車入
夜郎九龍圍上似羊腸山靈今尚懼劉挺常遣雲

來補破岡相嶺炎天雪布崖張騫筇竹幾時栽
風雅雨閣長漏莫怪王陽不肯來君不見孔明屯
蔡夢周公深入不毛路欲窮又不見維州德裕建
籌邊玉壘巍巍不可鑿噫嘻棧道連雲雲果連上
得我眉只有天石破天驚石紐傳離堆鑿後定桑
田相如漢代鏤靈閣笑殺援崖把木攀山谷蔡蒙
掇綠菜和夸底績水成深迴翔宰相遲行旌來暮
久虛竹馬迎願得坤維留掌跡長歌王道是平平

李縣尊中秋邀飲賦得滿目飛明鏡竹全仁

蘆山縣志下

卷九

龍門品望接文翁延攬英才戰月宮一片清光彌
宇內千秋金鑑繞天中動人觀感情難盡放眼仰
瞻意未窮敬羨征輪無滯處年年到處調群蒙

李縣尊中秋邀飲賦得山水含清暉竹全仁

地天泰運正當陽山見高兮水見長靈孕不煩日
借色苞符豈假月為光半濃半淡憑誰遣若縱若
橫恍自翔應是方隅蒙過化恒留佳氣映文昌

蜀道難

竹琦

六詔南通氣勢雄相傳天險屬蚕叢長江一線翻

丹水復道千山掛紫虹雲湧舟車穿峽嶺日移風
雨過西東劍門半壁仰甘露保障封疆有上公

又

疊嶂頻開徑行人畏往還飛雲常聚壑蔓草每含烟
泉瀉非由此雷鳴不在天低回蜀道險誰克數巉峴

佛圖聖燈

竹琦

象教由玄諦佛圖舒慧光陸離飛曲澗閃爍度高岡
松社分暉滿筠林邀暈長定知靈鷲地疑月照迴廊

羅純朝瀑

竹琦

蘆山縣志下

卷八

翠嶽儲丹氣高泉起浪花占陽知有驗微雨最無差
懸拂晶含液晴窺玉燦霞清光彌宇宙歲二洩精華

一籌邊

總志云彝即天全六番諸部散處黎雅之間者宋時屢為邊患孝宗乾道四年十一月砂平番皆高志良至碉門互市與居民鬪不勝乃請寨官喻炳陳炳決責之志良啣恨去明年正月來攻碉門制置司遣李俊禦之兵未至志良已有悔意欲償還所燒寨舍更以錢贖罪守臣不能任其事付之兵官兵既欲邀功而喻炳亦覲報怨遂潛入砂平焚其屋廬番人初皆潛伏官軍乘勢擄掠番鳴角

蘆山縣志下

七

聚衆以出官軍失利番人追至榮經蘆山而還明於天全六番設招討司蓋就便輯治之意自洪武至今邊方以靜雅州所屬與招討彝人時有爭訟者蓋境土相連勢使然耳

大清定鼎照明制天全六番高為正招討使楊為副招討使設經歷司一員於二司內則官為王官民為王民矣

屠繼雲南珥海人正德中知蘆山縣縣境與天全六番上官高繼恩楊世仁相接二氏凶暴虐下害

及蘆山縣縣民有嘉柑美李以帕擊樹梢無敢動者土軍種縣田顆粒入天全而縣民為彼納稅蠻為不平乃教縣民學弓矢民翻然奮怒人百其勇擒高氏用事豪僕繫縣獄高氏聚眾劫獄蠻命其子追捕其子死焉以此搆兵高楊合併攻蘆山赤地百地鷄犬皆空奏聞於朝命遊擊將軍曹玉征之命下有司以間諜謀之先期楊氏擒高維恩送按察司獄厥後高氏擒楊世仁亦送按察司獄皆伏斧礮焉自是土官不犯蘆山皆屠蠻為之先也

蘆山縣志下

七十五

典史汪浩署縣事繼蠻之志欲復大渡舊城而形勢不便於是即姜城增拓築石城後而高楊猶據水東西水等處不容管轄蘆紳李必欽李彥虎以樊侯碑為憑控之當道而界限始定明經胡龍詣闕奏請自飛仙閣溯流上周村隔糧坡水分心山分嶺縣司之界井然有辨萬歷年間司界銅頭地方復行侵奪奉檄雅州項聲國臨界挿斷後竟無敢有越其尺寸者汪公久遠之謀胡龍之留心地方項公之清直安靖皆蠻之流亞也

蘆山南隣高司在唐虞為和夷在商周為羌原無
姓自高朗閣藏始以高為姓另有土語字義云羌
呼父為爸即此地也所謂和夷者以有田可耕音
語相通而名之至有明世襲天全六番正招討使
雄長諸酋自蘆邑屠侯清釐疆界後漸純王化征
奢酋及平遵義楊應龍屢有功明末甲申流寇入
川成都失守獻忠謂招討使高際泰際泰亦知其
為寇也不肯屈服賊兵壓境聲言盡勦際泰祖母
張氏年九十三請為質緩師抱病賊營際泰弟發

蘆山縣志下

七十六

泰代元偽降救回祖母至新津蛇江河罵賊而亡
此邊方之忠仁孝弟之不可泯者也賊以李國傑
來知蘆山縣事際泰糾合黎州安撫司及楊土司
護印夫人江氏攻國傑於蘆城雖殺賊官而土司
頭目或報私怨或剽財物蘆邑殺擄一空蘆人怨
之及

本朝定鼎際泰走至川北投誠而吉土如故康熙五
六年間縣正張啓鼎與際泰不睦稍有舉隙即遍
詳上憲縣司不往來者數年迨康熙十一年際泰

請老子高一柱襲職從事蘆山竹卽裔能詩能字
學黃輝筆法頗重中外有漫吟詩草集寫依俱佳
行於世吳逆叛敗賊兵回滇所過殘破一柱發土
軍上守鎮西山口下守飛仙關隘而叛兵不敢入
蘆境蘆人遂德之

總督趙將軍調助官軍取小關山通建昌有功加
都督僉事一柱生平寄情詩字不以是非得失為
榮辱對人津津談今古事春秋剡子之流風其存
乎年五十一始生子進征西爐有功頒賜恤賞錫

蘆山縣志下

七七

以封贈康熙甲午子若璠嗣職辛丑遣兵為破藏
前鋒 當路奏聞命未下 地有賞番土茶康熙
丙戌始領引納課六番冬春以嘉魚錦鷄來聘如
君臣禮女子成人來叅始嫁土人信服入於肌髓
居則為民出則為軍猶古制也與蘆連界自
國家太平日久風教遠訖與蘆民日相親近宴飲和
樂換工耕耘土人近蘆者凡布帛菽粟悉入蘆城
貿易蘆人亦至始陽地方集場出入無禁嫌疑不
生使其世為藩蔽亦昌少焉

蘆山縣西隣楊土司楊氏自唐僖宗中和辛丑正月幸蜀扈從千牛衛將士十八人各屯於蜀之沿邊昭宗嗣位即以汎地為爵土故楊瑞與高土司分民而治土地相叅土語相通歷宋逾元至明授天全六番副招討使司副招討使楊逾愈征者首戰歿蒙其獎祀明末楊之明糾同明宗室朱倬伊率兵拒流寇於蘆山飛仙關兵衄被擒死於賊是時土軍頭目四十八人屢掠於縣殺擄尤甚自楊氏族民議立楊常為官楊常生平樸寔無華

蘆山縣志下

美

本朝定鼎之九年投誠爵土如故 高撫軍云土司忠厚地方之福與蘆山連和縣司始安靜吳逆叛敗

總督趙將軍調楊先柱取小關山建昌有功加都督僉事楊自唐襲職遼董卜韓胡有內變沃日尾寺相繼蟠踞自唐於烏思藏得堅叅朗結庶子雍中七立保襲厥職

當路是焉康熙壬午

國家聲罪西瀘自唐率所部攻巖州達岡功最著奉

旨特加宣慰司宣慰使賜恤賞封封官土雖舊而銜
名一新矣亦有賞番土茶康熙丙戌年始領引納
課有二子大業振業悉傳古通經史走筆成詩文
皇朝以文治懷柔天下無遠弗届夫人惟讀書故明
理惟明理故安分今高楊二土司能以詩禮傳家
蓋籌邊者所深年而為第一着之要務也彼世譜
謂瑞為唐赤泉侯楊喜之孫周唐侯叔虞之後粵
東常土官世譜亦傳韓淮陰之裔存姓之半天之
崇報餘勲大抵然也但與蘆邑連界人民密邇不

蘆山縣志

七十九

以小嫌起釁各守禮法內安外攘豈非
國家設是職以為藩籬之意乎

韓胡董卜金川之屬地也元時勒朵進金川貢請
董卜韓胡印歸而負固不屬金川取六村撫而有
之列川南五貢朝廷賜以雅州貢田其居處謂之
寺歷明世襲如故調徵耆酋事終加宣慰使司照
例進貢彼其地不能種禾黍惟麥稷菽豆而已以
蘆山為鹽茶路出蘆則靈閣巡檢司盤查無兵器
始放行至蘆舊大渡縣之東地名香房蠻店內暫

寓縣人挾貨易之買鹽米茶斤即回無敢有過河
進城者奉 上司調發報明巡檢司巡檢報明縣
正卜卜相維節節相制其嚴如此屬雅州及黎雅
遊擊管轄明末己亥年犯蘆燒劫房屋牛馬而去
庚寅為蘆山差頭張榮引誘占蘆張榮等為千總
凡蘆邑錢糧府庫盡入董卜紳士被辱生殺由已
者三載是時袁武二賊據嘉定雅州等處張榮又
指使出奪州城文遊擊追至飛仙關兵寡不敵而
回至嘉定請兵發張左協進征一從飛仙方軌而

蘆山縣志下

半

進一從羅城新路出清源遮殺董卜宣慰蠻官僅
以身免因自殺張榮於小關子全家俱滅人以為
報應之不爽也後宣慰蠻官亦無嗣以魚通外
甥承繼絕其種類人以為報應之不爽二也其甥
生烏兒結堅叅朗結二子

本朝定鼎烏兒結嗣職暴虐為堅叅朗結謀殺囚其
侄于高寨不見天日六村謀復其侄殺朗結其侄
隨病亡通事楊玉台等招沃日占據高土司請調
瓦寺兵追沃日入巢穴而瓦寺亦謀占據董卜陽

土司聞朗結尚有度子雍中七立入西藏為叻嘛
使人求之歸

撫軍于請命於

朝勅雍中七立承襲而董卜始定雍中七立於康熙
五十二年調征銅巢陣亡韓胡地北接金川雜谷
西接西瀘木鴉烏思藏訖吐番南出蘆山靈關今
太平一統無外

諸當路柔遠有方蘆山乃為寧字也

蘆山縣志

知蘆山縣事曾符升

修纂

儒學

教諭周 琬

訓導高之啓

校正

縣尉

凌士鎧

重複見上冊

一路界

蘆山縣至雅州一百里至成都省會五百五十里至
京師一萬一千三百里正路出東南二門渡水東河
蘆山縣志

過樊任二堤張公橋新安舖橫山老君溪入關城
界縣界止此關城屬雅安地出大灘腦連三坡龍
揭蓋二郎廟多營平過宋村渡入雅州府西門
蘆山小道出縣東門過龍門河登八步關縣界止
此過魚喜河越鎮西山下火井入邛州西門先代
小路深箬難行前因
朝廷命引發茶關險成梁竟為通省會便道為天全
木坪過縣必由之路

蘆山東界羅城山綿亘八十里自鎮西山起歷孫

裘曰發江西人陞調湖北沔陽州
冀映霽山西人

蘆處宇下悉托庇蔭凡奉簡書以臨邊即為
下邑之公祖總紀則繁失志則畧惟車騎曾經
姜城崖疆親覩顏色龍光在望芳踪已集時表
姓字永佩儀型云

蘆山縣志

蘆山知縣

明

歐陽寧

重複見上冊

大橋 治北今易以石

高橋 治西門外向有低板橋春夏之時河水汎溢行人病涉癸亥歲邑尉凌士鎰捐造高橋

大木橋

周村堰 治西由隔糧坡出周村邑侯羅之熊重闢其水愈盛有碑

馬口堰 治北自高山懸視七十五丈接水下溝乾隆十年重修

龍洞堰 治西北由靈山中龍洞懸木視四十八丈下山有上下二堰乾隆七年典史凌士鎰勸民開中堰一座改水田數百畝

贈勸民開中堰一座改水田數百畝

天生堰 治西北羅令修闢多年坍塌壞乾隆十年縣令曾符升典史凌士鎰捐用石砌堅固

透漆堰 治東羅令脩後坍塌舊係土溝乾隆十年縣令羅符升重修典史凌士鎰督修用

蘆山縣志

不翻砌油灰彌縫堅固

龍王堰 治東坍塌百餘年乾隆十年縣令曾符升重修典史凌士鎰督修用石翻砌八十年

五丈又分水處名魚虎堰舊係土溝水泛冲坍塌今用石砌水大無虞

湍古堰 治北自高山懸木視七十餘丈接水至堰上一堰灌溉古城坪下一堰灌溉湍溪

乾隆十年重修

候成堰 治西北原有水溝羅令開創又引天生堰之水合而成堰灌溉十里從前用土築堰

溝歲修歲壞乾隆十年縣令曾符升重修典史凌士鎰督修易以石砌中開開口用木板開水遇暴雨開闢去板以免冲壞

隔糧堰 治西羅令開築

藩李轉詳給以孝友可風匾額旌獎

流寓

重複見上冊

范文光

川北進士避兵蘆山有啼鵲血文集行於世

植敏槐

卅州人避兵于蘆歸登辛卯鄉試關臨

陳丹仙

富順人隱居沫水之濱往來縣司善潑墨傳右古詩有別趣名聞遠近

蘆山縣志

古蹟

重複見上冊

漏閣

相傳神禹治水遺跡

兩面碑

在縣南五里面背皆有篆文

黃廷堅綠菜贊碑

蔡蒙之下彼江一曲有茹生之可以為菽蛙蟪之

衣采采盈掬吉蠲鏡澤不溷沙礫芼以幸鹹宜酒

宜餼在吳則紫在蜀則綠其臭味同遠故不綠誰

其發之班我旨蓄維女博士史君炎玉

綠菜贊跋

雍正七年奉文查丈除 藉田四畝九分不徵
丁糧外

黃冊載徵丁條糧銀三千四百五十八兩五錢三分
九絲八微九塵八纖遇閏每兩徵開銀四分五
釐七毫三絲五忽七微四塵四纖三沙七渺九
漠二埃

蘆山縣志

鹽課

雍正八年十二月內欽奉

上諭事計口授鹽認銷嘉定捷為水陸二引

徵鹽稅銀一百八十四兩一錢四分三釐四毫
茶課

雍正八年十二月內欽奉

上諭事按引權課行銷腹引二張

徵茶課稅銀七錢五分

明

儒學

楊林

向時雍

潘家

石璞

汪千里

皇清

高雄飛

蘆山縣志

江舟楫

段朝偉
簡州人舉動循禮訓論不倦
足為師表

楊鑑

羅廷瑞
以禮自守

熊熙周

蒲裔程

朱大年

樊澤遙
庚午舉人

黎廷相

以上儒學十七人見上冊

李長年 副榜

張正猷

傅之玠

劉來崑

盧際可

高尚事 奉節舉人 雍正六年任

楊謨 新津歲貢 雍正十三年任

周琬 三臺拔貢 乾隆四年任

高之啟 墊江歲貢 乾隆七年任

蘆山縣志

武職

把總

張鵬 陝西人

郭存禮 陝西人

一學宮

蘆山縣志

驛站 無

一鋪 遞

乾隆元年為請復設川省之鋪司等事額設鋪遞
四鋪共設司兵八名每名每歲給工食銀六兩共

銀四十八兩

底鋪 在城

新安鋪 二十里

橫山鋪 四十里

飛仙關 六十里交雅安縣界

上冊知縣表重複十八

顧 向 浙江舉人

本朝恢復辦餉勤勞振掖

遲 焄 滿洲籍

孫雯鏡 浙江貢監

羅之熊 旗任黎民思之 勸民栽桑修堰建鉄索大橋

沈士本 由浙江進士 有蘆留集

沈 杰 邛州牧署縣事有治聲百姓為之立坊

張 緒 江南舉人蘆人稱曰第一仁慈父母

王 瑋 旗下舉人

李弘澤 名山知縣署蘆事政教精明士民載德 後以軍功陞嘉定州

蘆山縣志

楊廷琚 由浙江進士蒞官仁厚學問敦實以病致仕

劉時遠 由湖廣舉人下車之日即除行戶市野安寧

明典史

李 彪 署主簿

孫鴻駿

皇清

陳漢罔 蘇州人精勤愛民各寺廟俱

何 縣丞戒粮便賦蘆民子孫相傳

王廷衡 浙江人



館 初校

清史館舊藏康熙間刻本民國十九年二月國立北平圖書館鈔